

Powšitkowne WOZJEWJENJA

njedźelu, 26. awgusta 2018

Swójbne popołdno w Ralbicach

Wšitke swójby ze serbskich wosadow su cyle wutrobnje na zhromadne popołdno do Ralbic na farsku ležownosć přeprošene. Tute zahaji so njedźelu, 26. awgusta, w 14.30 hodž. ze swačinu. Po impulsowym referaće wo formach nabožneho kubłanja džěci scěhuje rozmołwne koło k tutej temje. Džěci změja wšón čas składnosć molować, paslić abo hry hrać. Z nyšporom w 17.00 hodž. so zhromadne popołdno zakónči.

Wulět dekanatneje młodžiny z dwěmaj opcijomaj

Młodostni ze serbskich wosadow wuleća sej njedźelu, 9. septembra, zhromadnje do Drježdžan. Bus wotjědže připołdnu. Dokładny časowy plan so hišće wozjewi. Dwě opciji stejitej jim k dispoziciji: Móža so při skakanju w superfly porjadnje wucychnować abo swoje mozy na tróšku hinaše wašnje w tak mjenowanym AdventureRoom trenować. Zeznaja tež „pisanu cyrkej“. W Jaseńcy přizamknje so spěwny wječor, wuhotowaný wot Serbskeje murje. Přinošk wučinja 25 eurow na wosobu. Zajimcy měli so hač do njedźele, 26. awgusta, na e-mailowu adresu don.boskowy-dom@t-online.de přizjewić a zdobom podać, kotry z wobeju poskitkow bychu rady wužili. Na spěwny wječor su tež ći młodostni přeprošeni, kotřiž so na wulěće njewobdžěla.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 11. septembra, w 14 hodž. do Domu biskopa Bena w Smochćicach přeprošeni. Zajimcy njech so prošu hač do wutory, 4. septembra, w redakciji Katolskeho Posoła přizjewja, telefonowe číslo (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež druhich na zetkanje rady powitaja.

Duchowna hudźba

W Budyskej tachantskej cyrkwi zaklinči njedźelu, 2. septembra, we 18 hodž. w rjedže „Duchowna hudźba“ pišćelowa meditacija z twórbami Johanna Sebastiana Bacha. Cyrkwinski hudźbny direktor Friedemann Böhme zahraje mjez druhim Preludij Es-Dur.

Putnikowanje a založenje klóštra

Zhorjelski biskop Wolfgang Ipolt přeprošuje na putnikowanje swojeje diecezy njedźelu, 2. septembra, do Noweje Cale. Hesło rěka „Z Benediktom Boha pytać“. Na putniskej Božej mši, kotraž zahaji so w 10 hodž., wutwori tam abt Maximilian Heim z Heiligenkreuzu oficialnje priorat. Tomu přisluša šěsć mnichow, kotrychž su pónđzelu, 20. awgusta, na swjedženju swjateho Bjarnata z Clairvauxa, w awstriskim Heiligenkreuzu swjatočnje wupóstali. Pater Simeon Wester budže priorat nawjedować, kiž nastanje na próstwu biskopa Ipolta. Štyrjo mniša su hižo lěto w Nowej Cali žiwi, zo bychu založenje přihotowali. Lětsa swjeća tam z wobšěrnym programom 750. róčnicu založenja klóštra.

Na zakónčacym nyšporje putnikowanja, kotryž zahaji so w 14.45 hodž., budže abt Maximilian Heim předować. Kónc ma wokoło 16 hodž. być.

Putnikowanje biskopstwa do Wechselburga

Lětsa přewjedže Drježdžansko-Mišnjanske biskopstwo zaso centralne putnikowanje wěriwych wšeje diecezy. K tomu přeprošuje wone njedźelu, 16. septembra, do Wechselburga. Tam swjeća lětsa jubilej poswjećenja baziliki před 850 lětimi. Hesło putnikowanje rěka „Štóžkuli sy – JEHO słowo płáci tebi“. Po swjatočnej Božej mši z biskopom Heinrichom Timmereversom, kotraž zahaji so w 10 hodź., změja wěriwi přiležnosć k zetkanju. Wšelake iniciatiwy a akcije z Drježdžansko-Mišnjanskeho biskopstwa so tam předstaja, mjez druhim Towarstwo Cyrila a Metoda z.t. Z nyšporom so putnikowanje wokoło 15 hodź. skónči.

Štóž chcył sej z busom tam dojeć, měj so w Radworju pola Šmitec přizjewić, telefonowe čisło (03 59 35) 28 60. Planowane je, zo bus wokoło sedmich z Radworja a Chróscic, z Wechselburga njeposrědnje po nyšporje wotjědže. Je-li z druheje wosady wjetša skupina, kotraž so přizjewi, zasadža bus tež wottam.

Dny rozpominanja ze swjatym różowcom

Modlerske zhromadženstwo swjateho różowca (Rosenkranz-Sühnekreuzzug) přewjedže wot pjatka do njedźele, 14. do 16. septembra, w Smochčanskim Domje biskopa Bena dny rozpominanja. Tute nawjedujetaj franciskanski pater Benno Mikocki a farar Stefan Thiel. Zajimcy měli so pola Rosenkranz-Sühnekreuzzug, Franziskanerplatz 4, A - 1010 Wien, telefonowe čisło (0043 1) 5 12 69 36 abo z mailku pod adresu zent@rsk-ma.at přizjewić.

Kemše w němskej rěči

Němskorěčni wěriwi Kulowskeje wosady poputnikuja njedźelu, 9. septembra, do Różanta. Tohodla budže tam tu njedźelu Boža mša w 10.30 hodź. w němskej rěči.

Chór Lipa pócmje koncertuje

Na „nócný koncert“ sobotu, 1. septembra, we Worklečanskim parku za kapačku pře-prošuje chór Lipa. Lubowarjo chóroweje hudźby móža so na rjany wječor pod hołym njebjom w sćinje swěčkow wjeselić. Koncert započnje so w 21.30 hodź.

Putniska jězba do Pólskeje

Na putniku jězbu z busom přeprošuju zajimcow wot srjedy do njedźele, 17. oktobra do 21. oktobra, do Wróclawja a Krakowa. Nadrobniše informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*

Hdyž budžak hižo njeklinka

Pory nad 60 lětimi su wot pjatka do njedźele, 12. do 14. oktobra, na seminar pod hesłom „Hdyž budžak hižo njeklinka“ do Smochčanskeho Domu biskopa Bena přeprošene. Mjez druhim póndže wo wobchadženje z džěćimi a wnučkami kaž tež wo nabožne prašenja. Přizjewić móža so zajimcy w Lipšćanskej wotnožce za poradžowanje swójbow Drježdžansko-Mišnjanskeho biskopstwa, telefonowe čisło (03 41) 9 83 00 71.